


CUTUBKA 4AAD:

Daraasaadka Soomaalida

QAABDHISMEEKA BULSHADA SOOMAAALIDA



Ujeeddooyinka Cutubka



Cutubkaan waxaan ku baran doonnaa:

- ✓ Bulsho iyo waxa ay ka kooban tahay
- ✓ Qaabdhismeedka bulshada Soomaalida
- ✓ Madaxdhaqameedka bulshada Soomalida

Bulsho Iyo Waxa Ay Ka Kooban Tahay

- ▶ Bulsho waxaa lagu qeexaa in ay tahay “**dad isu tegay** oo ku wada nool dhul xaddidan ,oo uu ka dhaxeeyo **iskaashi**, istaakuleyn, lehna dhaqan u gaar ah,iyo abtirsiina umadnimo oo ka dhaxeysa, ayna u wada hoggaansan yihiin”
- ▶ Marka aan raacno qeexiddaan waxaa aan dhihi karna bulshada Soomaalidu waa ummad qura oo meel wada degan, uuna ka dhaxeeyo iskuna xiro xiriir **af, asal, diin, degaan, dhaqan, qiyam, sooyaal iyo dana mideeya.**

Bulsho Iyo Waxa Ay Ka Kooban Tahay


- ▶ Bulsho kasta oo meel ku wada nool, waxaa ay ka kooban tahay **qeybo aasaas** u ah jiritaankeeda, saameyna ku leh nolosha bulshadaas,una yeela bulshadaa muuqaal u gaar ah.
- ▶ Haddaba bulshada Soomaalidu, sida bulshooyinka kale ee dunida ka jira, waxaa ay leedahay tiirar aasaas u ah jiritaankeeda,waxaana kamid ah tiirarkaas:
- ✓ **Degaan dabeeci ah** Oo loola jeedo degaan leh waxyaabaha dabeeciga ah;sida: Buuraha, keymaha, macaadinta, carrada nocyadeeda kala duwan,cimillada iwm.

Bulsho Iyo Waxa Ay Ka Kooban Tahay

- ✓ **Bulsho degaan ah** oo ka kooban dad, hey'ado bulsho,iyo mashaariic kala duwan oo bulshada u adeegaaya,iyo jawiga wada noolaasho,oo suurtagelin kara in la helo iskaashi bulsho
- ✓ **Awood Bulsho** oo loola jeedo awoodda dadka ay ka kooban tahay bulshada meeshaa ku wada nool.
- ✓ **Xiriir iskaashi iyo wada noolaasho** oo loola jeedo waxaa ka dhasha islafalgalka labada degaan ee kala ah degaanka dabeeciga ah iyo degaanka bulshada.
- ✓ **Hey'ada bulshadu oo leh xeerar iyo kala dambeyn** oo loola jeedo dhammaan hey'adaha qabta adeegyada bulshadu u baahan tahay

Qaabdhismeedka Bulshada Soomaalida

- ▶ Bulshada Soomaalidu waxaa ay isugu xiran tahay sidatan:
- ✓ **Qoys**, oo ah unugga ugu hooseeya ee bulshada Soomaalida, waxaa uuna ka kooban yahay oday iyo xaasaskiisa iyo carruurta ay isu dhalaan.
- ✓ **Laf (jifo)**, oo loola jeedo qoysaska ku kulma odayga (2-3) aad.
- ✓ **Jilib**, waa qoysas batay, oo ku kulma odayga (5-6) aad.
- ✓ **Reer**, waa jilibyo isu tegay, oo ku kulma odayga (7-9) aad.



Qaabdhismeedka Bulshada Soomaalida

- ✓ **Beel (Qolo)**, waa reera badan, oo isku abtirsiina ah, kana kooban dhowr reer laga billaabo odayga (10aad iyo ka badan)
- ✓ **Tol (qabiil)**, tolku kuma koobna abtirsiino kaliya, balse waxaa uu ka koobnaan karaa intii dhib iyo dheef wadaagga ah lehna xeer, dhaqan iyo degaan u gaar ah. Waxaa kale oo jira ra'yi kale, oo qaba in qabiilku uu yahay intii isku abtirsiinada ah, oo ku abtirsata oday sare, oo la malaawaalaayo in uu jiri jiray qarniya aad fog.

Qaabdhismeedka Bulshada Soomaalida

- ▶ Marka laga hadlaayo guud ahaan qaabdhismeedka bulshada Soomaalida, waxaa aan dhihi karna waxaa ay ka kooban tahay laba qaabdhismeed, oo kala ah:

1. QAABDHISMEEDKA QABIILKA

Qaabkaani waa qaab kamid ah **qaababkii hore**, ee bulshooyinka Aaddamigu soo wada mareen waana qaab aad u da'weyn oo ka soo jeeda nidaamkii hore ee waayihii raacatada, ee Aaddamigu soo wada maray, waana qaabka bulshada Soomaalida inteeda badan ay ku soo noolaan jireen ka hor dhalashadii **dowladdnimada Soomaalida 1960kii**.

Qaabdhismeedka Bulshada Soomaalida

- ▶ Soomaalidu marka ay ka hadleyso qabiilka wixtarkiisa, waxaa ay ku maahmaahdaa **seddax** baa qabiil lagu yahay: **Nin qumman quweyntiisa, nin qalloocan qabashadiisa iyo nin qadsan quudintiisa.**
- ▶ Sidoo kale, Qaabdhimeedkaan qabiilka ku dhisan, waxaa uu leeyahay dhibaatooyin fara badan sida:
 - ✓ **Isirsooc**
 - ✓ **Kala-aarsi**
 - ✓ **Asal ku faan (islaweyni)**
 - ✓ **Amar ku taagleyn**
 - ✓ **Sedbursi IWM**

Qaabdhismeedka Bulshada Soomaalida

Qoyska & Kaallintiisa Bulshada Soomaalida

- ▶ Qoysku kaallin mug leh ayuu ku leeyahay bulshada Soomaalida, waxaanna ka xusi karnaa kaallinta qoysku ku leeyahay bulshada dhaxdeeda qodabada soo socda:
- ✓ Howsha gudashada **tarminta bulshada** ee sharciga ah.
- ✓ Howsha abuurista **ila dhaqaalo** oo qoysku ku noolaado.
- ✓ Howsha **ababinta** ubadka iyo korintooda.
- ✓ Sameynta **xiriirka** isdhaxgalka bulshada

Qaabdhismeedka Bulshada Soomaalida

Tolka & Kaallintiisa Bulshada Soomaalida

Waa maxay tol?

- ▶ Tolka Soomaalidu waxaa uu ka dhigan yahay hey'ad bulsho oo bixisa adeeg bulsho, siisana xubnaha ku abtirsada tolkaas, waxaanna ka tilmaami karna adeegyada tolku u qabto xubnihiisa qodobadaan soo socda:
- ✓ In uu difaaco sharafta iyo hantida xubnaha tolkaa ka tirsan
- ✓ In uu garabsiiyo oo laga bixiyo haddii uu dhib geysto
- ✓ In uu isku halleyn karo tolka uu ka dhashay, oo uu ku helaayo qiimeyn, qadderin iyo gayaan

Qaabdhismeedka Bulshada Soomaalida

Tolka & Kaallintiisa Bulshada Soomaalida

- ✓ In uu qofku **ilaaliyo xeerka** iyo dhaqanka u yaalla tolka iyo bulshada uu ka tirsan yahay
- ✓ In ay tartiibiyaan marka ay u timaado tii Alle, oo ay godka geeyaan
- ▶ Waxaana Soomaalidu tiraahdaa: **“tol waa tolane”**, oo qofku waxaa uu ku qasban yahay in uu u hoggaansamo wax Alle wixii ka soo baxa hoggaanka tolka.

Qaabdhismeedka Bulshada Soomaalida

2. QAABDHISMEEDKA ISBAHEYSIGA

- ▶ Qaabkaan isbaheysigu waa qaab **ka horuumarsan** qaabkii qabiilka ee ka horreeyay, waana qaab kamid noqday qaababka bulshada Soomaalidu ay u dhisan tahay ,waana qaab ku dhisan dhib iyo dheef wadaag .
- ▶ Qaabkaanu waxaa uu ka kooban yahay **beelo, jifooyin**, iyo reero aan isku qabiil aheyn ,oo kala madax bannaan, lagana bixi karo markii la doono, kadib markii la raaco xeerka isbaheysiga u degsan

Qaabdhismeedka Bulshada Soomaalida

Waxyaabaha Keena Qaabka Isbaheysiga

- ✓ Baahi loo qabo **ammaan guud** iyo iskaashi is difaac.
- ✓ Baahi loo qabo **iskaashi** iyo isugurmad bulsho.
- ✓ Baahi loo qabo in laga **xuroobo** isu hillaanta iyo isugu faanidda abtirsiinada qabiilka (Tolka)
- ✓ Baahi loo qabo in la helo **bulsho ka hormarsan**, kana ilbaxsan hannaanka qabiilka oo ah mid qaddiim ah
- ✓ Baahi loo qabo in la helo **fikir ka hormarsan** fikirka qabiilka, oo laga dhaxlay dhibaatooyin faraha badan oo Soomaalida ragaadiyay

Qaabdhismeedka Bulshada Soomaalida

Shuruudaha Qaab-dhismeedka Isbaheysiga

- ✓ In qabiilka ama isbaheysigu uu leeyahay nin caalim ah
- ✓ In uu qabiilka ama isbaheysigu uu lahaado maqaawiir waxgarad ah
- ✓ In qabiilka ama isbaheysigu uu leeyahay dad hantiilayaal ah
- ✓ In qabiilka ama isbaheysigu uu leeyahay dad xirfadlayaal iyo farsamayaqanno ah
- ✓ In qabiilka ama isbaheysigu uu leeyahay nin aftahan ah ama gabyaa ah
- ✓ In qabiilka ama isbaheysigu uu leeyahay nin geesi ah oo laga heybeysto
- ✓ In qabiilka ama isbaheysigu uu leeyahay dad yaqaana tacdaadda tolku tacdaato xilliyada nabadda iyo dagaalka.

Bulshada Soomaalidu Waa Dowlalado Yaryar Oo Kala Madax Bannaan

- ▶ Marka la fiiriyo qaabdhismeedka bulshada Soomaalidu u ka kooban tahay ,waxaa uu u eg yahay **dowlado yaryar** oo kala madax banaan ,qaabdhismeed kastaana waxaa uu leeyahay wax kasta oo dowladi leedahay.
- ▶ Waxaan ka tilmaami karnaa waxaa ay iska leeyihiin qaabdhismeedka bulshada Soomaalida iyo qaabka dowladnimada qodobadaan ku cad shaxdaan:

Bulshada Soomaalidu Waa Dowlalado Yaryar Oo Kala Madax Bannaan

Bulshada Soomaalida	Dawladda Soomaalida.
1.Madax aan laga sarreyn (Imaam,Boqor,wabar).iwm	Madax aan laga sarreyn (Madxweynaha dalka).
2.Gole maamul. (Gergaabta Bulshada).	Gole maamul (Wasiirrada).
3.Dal gaar ah. (Degaanka beeshu degto).	Dalka dawladda (Dalka ay xakunto).
4.Aastaan guud ee bulsho. (sumadda u gaarka ah.)	Astaanta guud ee dawladeed. (Calanka dalka.)
5.Ciidan wax difaaca. (cududda bulshada)	Cududda dawladda. (Ciidanka qalabka sida.)
6.Hanti bulsho. (xoolaha bulshada).	Hantida dowladda. (Hantida shacabkeeda) .
7.Warbaahin bulsho (Suugaanlleyda bulshada)	Warbaahin dowlo. (Qalabka warbaahinta)
8. Garsoor bulsho (C/diinta iyo garyaqaannada bulshada.)	Garsoor dowladda. (Qeybaha maxkamadaha.)
9.Nidaam bulsho (Xeerka bulshada)	Nidaamka dowladda (Dastuurka dalka).
10.Dadka bulshada (xubnaha bulshadaas).	Dadka dowladda (Shacabka ay u taliso).

Hoggaandhaqameedka Qowmiyadda Soomaalida

- ▶ Hoggaan dhaqameedka qowmiyadda Soomaalidu, waxaa uu ka kooban yahay **xubno isugu jira duubab** iyo culumo diinta Islaamka baacdheer ku leh.
- ▶ Degaannada qowmiyadda Soomaalidu degto waa ay ku **kala duwan yihiin** u **magacbixinta** madaxdhaqameedyada, waxaanna ka xusi karna magacyada madaxda dhaqanka magacyadaan soo socda:
 - ✓ Imaam
 - ✓ Boqor
 - ✓ Ugaas
 - ✓ Islaan
 - ✓ Garaad
 - ✓ Suldaan
 - ✓ Wabar
 - ✓ Malaaq
 - ✓ islaaw
 - ✓ Caaqil
 - ✓ Beeldaajiye
 - ✓ Ulhaye

Hoggaandhaqameedka Qowmiyadda Soomaalida

- ▶ Duubabku/Madaxdhaqameedku waxa ay sida badan **go'anno** ka soo saaraan qodobbadaan soo socda:
- ✓ Go'aanno dhaxalgal ah oo beesha la wada gaarsiiyo, oo la xiriira **la dhaqanka** iyo wada noolashaha beelaha kale
- ✓ Go'aan ka qaadashada **in la dhiibo ama la diido** haddii xubin kamid ah bulshada ay dil u geysato xubin kamid ah bulsho kale
- ✓ Go'aan ka gaaridda **wadahallada** lala gelaayo beelaha kale
- ✓ Hoggaaminta iyo **horkicidda** haddii wax loo qabanaayo qof kamid bulshada oo loo gurmanaayo